

重樓玉鑰

籤 瀛

仙題
1768年

13674

1838年



光緒戊寅重鑄

重樓玉鑰

盛京
鐘樓常彩盛
刻字鋪存板

序



昔人云不為良相為良醫誠以
行藏雖異功用則同察陰陽審
物候斟酌損益登斯民於壽域
是功同也相務夾袋人才醫重
籠中藥物量材器使猶之就

疰空方是用同也然而先事揣
摩猶實乖舛若使應變倉卒
安望神奇於以見醫雖小道臨
疰實難於急疰實難而尤難有
如咽喉一疰險而且速呼吸之
際生死攸關焉非精微咳備哉

必中的矣見其為十不失一者
憶余前客津門忽患喉疾瀕於
殆矣幸遇劉君東垣前來診治
始獲安痊東垣素業賈善瘍
醫而於咽喉各症尤覺通曉求
治者接踵於門罔不應手奏效


一介不取洵廉士也一日偶詢及
咽喉諸症主治當從何書東垣
慨然以是書見示携歸捧讀數
過見其於虛實寒熱莫不探本
溯源言之有物尤妙在三十六症
治法概從一方此則易所謂神而

明之存乎女人者矣第是書原
版為某氏家藏坊間向無刊本
戊寅春羈旅瀋陽與彭君詠名話
及是書經驗之神爰擬鳩貲付
之剞劂適余友劉啓亭藏有鈔
本函假授梓以廣流傳俾留心

醫道者辨證施治得所指歸庶
不負作者濟世之苦心云耳是
為序

光緒屠維單閼仲春下浣五日

大興于鉅純夫氏淺并書



嘉慶乙亥春余家居無事日取醫書玩味適友人過訪出重樓玉鑰示曰此書無刻本予錄一帙存閱因受而讀之恍然有悟後凡遇喉症惜未解鍼灸僅按方投藥無不神驗鄉黨知有此書時借抄寫而流傳未廣其中魯魚亥豕指不勝屈惟以意更訂一二餘則闕如也原序不系姓氏謂作者為鄭梅澗先生亦不知何許人然辨證施治各具神妙非懷濟世之婆心者孰能

與於斯今年夏吾津時疫流行患喉症者極多
而治不得法往往受害余閉戶養疴未能遍告
鄰里私衷歉然因與弟輩謀將此書再錄稿本
寄至吳門託孫君樸齋校訂付之剞劂則此後
人人得所指南患者即不延醫而對證檢方諒
亦不致天枉余心庶稍慰矣

道光十八年歲次戊戌仲秋上澣津門馮相棻

識

人之一身百症皆可致危獨咽喉之症尤危之
危者不炊黍間斃可立俟雖居近良醫之門旋
發旋治猶若恨晚而林荒山僻之境更可知已
余甚憫焉余不知醫而遇古方之百試百效為
人人所傳播者手鈔成帙或刊附善書或鋟刷
片紙以贈人咽喉科一門流傳者當不下數十
種獨喉科經驗秘傳為程君瘦樵定本業是科
者大半宗之僉謂外此罕有其匹者一日黃君


竹亭自津門厲書於余謂馮君石農丹崖昆季
秘藏重樓玉鑰一書為喉科指南亟欲付梓以
公諸世而近處尠良工君客吳門久當易物色
且君亦樂為之常若不及竊欲以此事浼君可
乎余聞之距躍三百亟思覩是書冀是書之速
成而廣行於世也促其寄余不兩月而書至其
間或鍼或藥諸法賅備足以補經驗秘傳所不
及洵喉科中之見所未見者爰為之選工開雕

慎校讐以期無負良友之委任而副良友濟世
之婆心也竹亭向與余同客燕臺嗣而客吳閶
客由拳里皆同几硯無間臭味蓋恂恂然篤行
君子也丹崖與余亦曾晤於京邸樂善不勸見
義必為常隱躍於眉宇間其兄石農則余所願
見未能者然聞其作令山右也有能吏聲有生
佛頌余固久信之且即於與丹崖之同梓是書
而益信之也書成索序於余余不知醫又何敢

論醫之書然其書則固百試百效而當為人人
所傳播者也余竊願罄竹而卽是書使人人挾
是書以防患於未然微特林荒山僻之境不能
入市問藥者不啻家有一醫卽居近醫者之門
而既有此百試百效之書亦較愈於踵其門而
求試其萬有一效之技矣是卽石農諸君梓是
書之意也夫

道光十九年歲次己亥花朝後一日桐鄉孫學

詩謹序於吳門之石泉古舍



原敘

古人有言左手據天下之圖右手自刎其喉愚夫不為何則天下雖大未若吾身之可貴也故天下有心性之書人心之所以死生存亡者也故有醫藥之書人身之所以死生存亡者也故六經四子而下莫貴於醫藥之書夫神農致辨於上藥中藥下藥周禮垂訓於五氣五色五聲自古聖賢明哲之士未有不留心於此者今之所